

佛說

無量壽經

鎌倉中期頃刊  
淨土教版  
洋墨版



無量壽  
経



佛說普賢尊經卷上

我聞如是一時佛住王舍城耆闍崛山中與  
大比丘衆萬二千人俱一切大聖神通已達  
其名曰尊者了本際尊者正願尊者正語尊  
者大方尊者仁賢尊者離垢尊者名聞尊者  
善實尊者具足尊者牛王尊者優樓頻螺迦  
葉尊者伽耶迦葉尊者那提迦葉尊者摩訶  
迦葉尊者舍利弗尊者大目犍連尊者劫賓  
那尊者大住尊者大淨志尊者摩訶周那尊  
者滿願子尊者離障尊者流灌尊者堅伏尊  
者面王尊者異乘尊者仁性尊者喜樂尊者  
善來尊者羅去尊者阿難等如斯等上首者  
也

又與大衆衆菩薩俱普賢菩薩妙德菩薩慈  
氏菩薩等此賢劫中一切菩薩又賢護等十  
六正士善思議菩薩信慧菩薩空无菩薩神  
通華菩薩光英菩薩慧上菩薩智幢菩薩密  
根菩薩願慧菩薩香象菩薩寶英菩薩中住  
菩薩制行菩薩解脫菩薩皆遵普賢大士之  
德具諸菩薩无量行願安住一切功德之法  
遊步十方行權方便入佛法藏究竟彼岸於  
无量世界現成等覺處兜率天弘宣正法於  
彼天宮降神母胎從右脇生現行七步光明  
顯曜普照十方无量佛土六種震動舉聲自



彼天宮降神母胎從右脇生現行七步光明  
顯曜普照十方无量佛土六種震動舉聲自  
稱吾當於世為无上尊釋梵奉侍天人婦仰  
示現筭計文藝射御博綜道術貫練群籍遊  
於後園講武試藝現處宮中色味之間見老  
病死悟世非常棄國財位入山學道服乘白  
馬寶冠瓔珞遺之令還捨殊妙衣而著法服  
剝除驥駿端坐樹下勤苦六年行如所應現  
五濁剝隨順群生示有塵垢沐浴金流天接  
樹枝得攀出池靈禽翼從往詣道場吉祥感  
徵表章叨祚哀受施草敷佛樹下跏趺而坐  
奮大光明使魔知之魔率官屬而來逼試制  
以智力皆令降伏得微妙法成最正覺釋梵  
祈勸請轉法輪以佛遊步佛吼而吼扣法鼓  
吹法螺執法劔建法幢震法雷曜法電澍法  
雨演法施常以法音覺諸世間光明普照无  
量佛土一切世界六種震動搖攝魔界動魔  
宮殿衆魔惴怖莫不歸伏摑裂邪網消滅諸  
見散諸塵勞壞諸欲塹嚴護法城開闡法門  
洗濯垢污顯明清白光鞮佛法宣流正化入  
國分衛獲諸豐膳貯功德示福田欲宣法現  
欣笑以諸法藥救療三苦顯現道意无量切  
德授菩薩記成等正覺示現滅度搖濟无益  
消除諸漏植衆德本具足功德微妙難量遊  
諸佛國普現道教其所修行清淨无穢群如  
幻師現衆異像為男為女无所不變本學明



諸佛國普現道教其所修行清淨無穢羣如  
幻師現衆異像為男為女無所不變本學明  
了在意所為此諸菩薩亦復如是與一切法  
貫綜縷練所住安諦靡不致化無數佛土皆  
悉普現未曾憍恣愍傷衆生如是之法一切  
具足菩薩經典究暢要妙名稱普至尊御十  
方无量諸佛咸共護念佛所住者皆已得住  
大聖所立而皆已立如來尊化各能宣布為  
諸菩薩而作大師以甚深禪慧開導衆人通  
諸法性達衆生相明了諸國供養諸佛化現  
其身猶如電光善學無畏之網曉了幻化之  
法壞裂魔網解諸纏縛超越聲聞緣覺之地  
得空無相無類三昧善立方便顯示三乘於  
此中下而現滅度亦无所作亦无所有不建  
不滅得平等法具足成就无量捨持百千三  
昧諸根智慧廣普審定深入菩薩法藏得佛  
華嚴三昧宣暢演說一切經典住深定門悉  
觀現在无量諸佛一念之頃无不周遍濟諸  
劇難諸閑不閑分別顯示真實之際得諸如  
來辨才之智入衆言音開化一切超過世間  
諸所有法心常諦住度世之道於一切万物  
而隨意自在為諸庶類作不請之友荷負群  
生為之重擔受持如來甚深法藏護佛種性  
常使不絕興大悲愍衆生演慈辨授法眼杜  
三趣開善門以不請之法施諸黎庶如純孝  
之子愛敬父母於諸衆生視若自己一切善



三趣開善門以不請之法施諸黎庶如純孝  
之子愛敬父母於諸衆生視若自己一切善  
本皆度彼岸悉獲諸佛无量功德智慧聖明  
不可思議如是之等菩薩大士不可稱計一  
時來會

今時世尊諸根悅豫姿色清淨光顏巍巍尊  
者阿難柔佛聖旨即從座起偏袒右肩長跪  
合掌而白佛言今日世尊諸根悅豫姿色清  
淨光顏巍巍如明鏡淨影暢表裏威容顯曜  
超絕无量未曾瞻覩殊妙如今唯然大聖我  
心念言今日世尊住奇特法今日世雄住佛  
所住今日世眼住導師行今日世英住寂勝  
道今日天尊行如來德去來現佛佛佛相念  
得无今佛念諸佛耶何故威神光光乃余於  
是世尊告阿難曰去何阿難諸天教汝來問  
佛耶自以慧見問威顏乎阿難白佛无有諸  
天來教我者自以所見問斯義耳佛言善哉  
阿難所問甚快發深智慧真妙辨才愍念衆  
生問斯慧義如來以无盡大悲矜哀三界所  
以出興於世光闡道教欲拯群萌惠以真實  
之利无量億劫難值難見猶靈瑞華時時乃  
出今所問者多所饒益開化一切諸天人  
阿難當知如來正覺其智難量多所導御慧  
見无身无能過絕以一食之力能住壽命億  
百千劫无数无量復過於此諸根悅豫不以  
毀損姿色不變光顏无異所以者何如來定



百千劫無數无量復過於此諸根悅勝不以  
毀損姿色不變光顏無異所以者何如來定  
慧究暢無極於一切法而得自在阿難諦聽  
今為汝說對曰唯然願樂欲聞

佛告阿難乃往過去久遠无量不可思議无  
央數劫定光如來興出於世教化度脫无量  
衆生皆令得道乃取滅度次有如來名日光  
遠次名月光次名栴檀香次名善山王次名  
須弥天冠次名須弥等曜次名月宝次名正  
念次名離垢次名无著次名龍天次名夜光  
次名安明頂次名不動地次名琉璃妙華次  
名琉璃金色次名金藏次名龔光次名龔根  
次名地種次名月像次名日音次名解脫華  
次名莊嚴光明次名海覺神通次名水光次  
名大香次名離塵垢次名捨厭意次名寶燄  
次名妙頂次名勇立次名功德持慧次名藏  
日月光次名日月琉璃光次名无上琉璃光  
次名最上首次名菩提華次名月明次名日  
光次名華宝王次名水月光次名除瘴顯次  
名度蓋行次名淨信次名善宿次名威神次  
名法慧次名寶音次名師子音次名龍音次  
名慶世如此諸佛皆悉已過

今時次有佛名世自在王如來應供等正覺  
明行足善逝世間解无上士調御丈夫天人  
師佛世尊時有國王聞佛說法心懷悅勝尋  
發无上正真道意棄國捐王行作沙門号曰



師佛世尊時有國王聞佛說法心懷悅豫尋  
發无上正真道意棄國捐王行作沙門号曰  
法藏高才勇指與世超異詣世自在王如來  
所誓首佛足右遶三匝長跪合掌以頌讚曰  
光顏巍巍威神无孫如是炎明无與等者  
日月摩尼珠光炎耀皆悉隱蔽猶若聚墨  
如來容顏超世无倫正覺大音響流十方  
或聞精進三昧智慧威德无侶殊勝希有  
深諦善念諸佛法海窮深盡奧究其涯底  
无明欲怒世尊永无人雄師子神德无量  
功勳廣大智慧深妙光明威相震動大千  
顛我作佛奢聖法王過度生死靡不解脫  
布施調意或忍精進如是三昧智慧為上  
吾誓得佛普行此類一切恐懼為作大安  
假使有佛百千億万无量大聖數如恒沙  
供養一切斯等諸佛不如求道堅心不即  
辭如恒沙諸佛世界復不可計无數刹土  
光明悉照遍此諸國如是精進威神難量  
令我作佛國土第一其衆奇妙道場超絕  
國如泥洹而无等雙我當哀愍度脫一切  
十方來生心悅清淨已到我國快樂安穩  
幸佛信明是我真證發願於彼力精所欲  
十方世尊智慧无等常令此尊知我心行  
假令身止諸苦毒中我行精進忍終不悔  
佛告阿難法藏比丘說此頌已而白佛言唯  
然世尊我發无上正覺之心願佛為我廣宣



佛告阿難法藏比丘說此頌已而白佛言唯  
然世尊我發无上正覺之心願佛為我廣宣  
經法我當修行攝取佛國清淨莊嚴无量妙  
土令我於世速成正覺拔諸生死愆苦之本  
佛語阿難時世饒王佛告法藏比丘汝所修  
行莊嚴非土汝自當知比丘白佛斯義於深  
非我境界唯願世尊廣為敷演諸佛如來淨  
土之行我聞此已當如說修行成滿所願奉  
時世自在王佛知其高明志願深廣即為法  
藏比丘而說經言譬如大海一人於量經歷  
劫數尚可窮底得其妙寶人有至心精進求  
道不止會當尅果何願不得於是世自在王  
佛即為廣說二百一十億諸佛刹土天人之  
善惡国土之虛妙應其心願悉現與之時彼  
比丘聞佛所說嚴淨国土皆悉觀見起發无  
上殊勝之願其心寂靜志无所著一切世間  
无能及者具足五劫思惟攝取莊嚴佛國清  
淨之行阿難白佛彼佛国土壽量幾何佛言  
其佛壽命四十二劫時法藏比丘攝取二百  
一十億諸佛妙土清淨之行如是修已詣彼  
佛所誓首札足遠佛三匝合掌而住白佛言  
世尊我已攝取莊嚴佛土清淨之行佛告比  
丘汝今可說宜知是時發起悅可一切大衆  
菩薩聞已修行此法緣致滿足无量大願比  
丘白佛唯垂聽察如我所願當具說之  
設我得佛國有地獄餓鬼畜生者不取正覺



立白佛在垂聽察如我所願當具說之

設我得佛國有地獄餓鬼畜生者不取正覺  
設我得佛國中人天壽終之後復更三惡道  
者不取正覺

設我得佛國中人天不悉真金色者不取正  
覺

設我得佛國中人天形色不同有好醜者不  
取正覺

設我得佛國中人天不識宿命下至不知百  
千億那由他諸劫事者不取正覺

設我得佛國中人天不得天眼下至不見百  
千億那由他諸佛國者不取正覺

設我得佛國中人天不得天耳下至聞百千  
億那由他諸佛所說不悉受持者不取正覺

設我得佛國中人天不得見他心智下至不  
知百千億那由他諸佛國中衆生心念者不

取正覺

設我得佛國中人天不得神足於一念頃下  
至不能起過百千億那由他諸佛國者不取  
正覺

設我得佛國中人天若起想念貪計身者不  
取正覺

設我得佛國中人天不住定聚乃至減度者  
不取正覺

設我得佛光明有能限量下至不照百千億  
那由他諸佛國者不取正覺



設我得佛光明有能限量下至不照百千億那由他諸佛國者不取正覺

設我得佛壽命有能限量下至百千億那由他劫者不取正覺

設我得佛國中聲聞有能計量下至三千大千世界聲聞緣覺於百千劫悉共計校知其數者不取正覺

設我得佛國中人天壽命无能限量除其本願猶短自在若不令者不取正覺

設我得佛國中人天乃至聞有不善名者不取正覺

設我得佛十方世界无量諸佛不悉咨嗟稱我名者不取正覺

設我得佛十方眾生至心信樂欲生我國乃至十念若不生者不取正覺唯除五逆誹謗

正法

設我得佛十方眾生發菩提心修諸功德至心發願欲生我國臨壽終時假令不與大眾圍遶現其人前者不取正覺

設我得佛十方眾生聞我名号係念我國隨諸德本至心迴向欲生我國不果遂者不取正覺

設我得佛國中人天不悉成滿三十二大人相者不取正覺

設我得佛他方佛土諸菩薩眾來生我國究竟必至一生補處除其本願自在所化為眾



設我得佛他方佛土諸菩薩衆來生我國究竟必至一生補處除其本願自在所化為衆生故被於捨鐵積累德本度脫一切遊諸佛國徧修菩薩行供養十方諸佛如來開化恆沙无量衆生使立无上正真之道超出常倫諸地之行現前修習普賢之德若不念者不取正覺

設我得佛國中菩薩蒙佛神力供養諸佛一食之頃不能遍至無數无量那由他諸佛國者不取正覺

設我得佛國中菩薩在諸佛前現其德本諸所欲求供養之具若不如意者不取正覺

設我得佛國中菩薩不能演說一切智者不取正覺

設我得佛國中菩薩不得金剛那羅延身者不取正覺

設我得佛國中人天一切万物嚴淨光麗形色殊特窮微極妙无能稱量其諸衆生乃至遠得天眼有能明了辨其名數者不取正覺  
設我得佛國中菩薩乃至少功德者不能知見其道場樹无量光色高四百万里者不取正覺

設我得佛國中菩薩若受讀經法諷誦持說而不得辯才智慧者不取正覺

設我得佛國中菩薩智慧辯才若可限量者不取正覺



設我得佛國中菩薩智慧辯才若可限量者  
不取正覺

設我得佛國土清淨皆悉照見十方一切无  
量無數不可思議諸佛世界猶如明鏡觀其  
面像若不念者不取正覺

設我得佛自地以上至于虛空宮殿樓觀池  
流華樹園中所有的一切万物皆以无量雜寶  
百千種香而共合成嚴飾奇妙超諸人天其  
香普薰十方世界菩薩聞者皆修佛行若不  
如是者不取正覺

設我得佛十方无量不可思議諸佛世界衆  
生之類蒙我光明觸其身者身心柔濡起過  
人天若不念者不取正覺

設我得佛十方无量不可思議諸佛世界衆  
生之類聞我名字不得菩薩无生法忍諸深  
摠持者不取正覺

設我得佛十方无量不可思議諸佛世界其  
有女人聞我名字歡喜信樂發菩提心厭惡  
女身壽終之後復為女像者不取正覺

設我得佛十方无量不可思議諸佛世界諸  
菩薩衆聞我名字壽終之後常修梵行三成  
佛道若不念者不取正覺

設我得佛十方无量不可思議諸佛世界諸  
天人民聞我名字五體投地稽首作礼歡喜  
信樂發菩薩行諸天世人莫不致敬若不念  
者不取正覺



信樂後菩薩行諸天世人莫不致敬若不令  
者不取正覺

設我得佛國中人人欲得衣服隨念即至如  
佛所讚應法妙服自然在身若有裁縫擣染  
沈濯者不取正覺

設我得佛國中人人所受快樂不如漏盡比  
丘者不取正覺

設我得佛國中菩薩隨意欲見十方无量嚴  
淨佛土應時如願於寶樹中皆悉照見猶如  
明鏡觀其面像若不令者不取正覺

設我得佛他方國土諸菩薩眾聞我名字至  
于得佛諸根闕陋不具足者不取正覺

設我得佛他方國土諸菩薩眾聞我名字皆  
悉通得清淨解脫三昧住是三昧一發意頃  
供養无量不可思議諸佛世尊而不失定意  
若不令者不取正覺

設我得佛他方國土諸菩薩眾聞我名字毒  
終之後生尊貴家若不令者不取正覺

設我得佛他方國土諸菩薩眾聞我名字歡  
喜踊躍修菩薩行具足德本若不令者不取  
正覺

設我得佛他方國土諸菩薩眾聞我名字皆  
悉速得普等三昧住是三昧至于成佛常見  
无量不可思議一切諸佛若不令者不取正  
覺

設我得佛國中菩薩隨其志願所欲聞法自



覺

設我得佛國中菩薩隨其志願所欲聞法自然得聞若不尔者不取正覺

設我得佛他方國土諸菩薩眾聞我名字不即得至不退轉者不取正覺

設我得佛他方國土諸菩薩眾聞我名字不即得至第一第二第三法忍於諸佛法不能即得不退轉者不取正覺

佛告阿難今時法藏比丘說此願已而說頌曰

我達起世願必至无上道斯願不滿足誓不成正覺

我於无量劫不為大施主普濟諸貧苦誓不成正覺

我至成佛道名聲超十方究竟靡所聞誓不成正覺

離欲深正念淨慧修梵行志求无上道為諸天人師

神力演大光普照无際土消除三垢冥廣濟眾厄難

開彼智慧眼滅此昏盲闇閉塞諸惡道通達善趣門

功祚成滿足威耀朗十方日月眾重輝天光隱不現

為眾開法藏廣施功德寶常於大眾中說法師子吼

供奉一切佛具足眾德本願慧悉成滿得為三東雄

如佛无等智通達靡不照願我切慧力等此最勝尊

斯願若克果大千應感動虚空諸天人當兩殊妙華

佛告阿難法藏比丘說此願已應時普地六

種震動天雨妙華以散其上自然音樂空中

讚言決定必成无上正覺於是法藏比丘具

足備滿如是大願誠諦不虛超出世間深樂

寂滅阿難時彼比丘於其佛所諸天魔梵龍



足備滿如是大願誠諦不虛起出世間深樂  
寂滅阿難時彼比丘於其佛所諸天魔梵龍  
神八部大衆之中發斯弘誓建此願已一向  
專志莊嚴妙土所修佛國恢廓廣大超勝獨  
妙建立常然无衰无變於不可思議兆載永  
劫積殖菩薩无量德行不生欲覺瞋覺害覺  
不起欲想瞋想害想不著色聲香味觸法忍  
力成就不計衆苦少欲知足无染恚癡三昧  
常察智慧无寻无有虛偽諂曲之心和顏愛  
語先意柔問勇猛精進志願无倦專求清白  
之法以惠利群生恭敬三寶奉事師長以大  
莊嚴具足衆行令諸衆生功德成就住空无  
相无願之法无作无起觀法如化遠離虛言  
自害害彼彼此俱害修習善語自利利人  
我兼利棄國捐王絕去財色自行六波羅蜜  
教人令行无鞅數劫積功累德隨其生處在  
意所欲无量寶藏自然發應教化安立无數  
衆生住於无上正真之道或為長者居士豪  
姓尊貴或為刹利國君轉輪聖帝或為六欲  
天主乃至梵王常以四事供養恭敬一切諸  
佛如是功德不可稱說口氣香潔如優鉢羅  
華身諸毛孔出栴檀香其香普薰无量世界  
容色端政相好殊妙其手常出无盡之寶衣  
服飲食珍妙華香諸蓋幢幡莊嚴之具如是  
等事超諸天人於一切法而得自在  
阿難白佛法藏菩薩為已成佛而取滅度為



等事超諸天人於一切法而得自在

阿難白佛法藏菩薩為已成佛而取滅度為  
未成佛為今現在佛告阿難法藏菩薩今已  
成佛現在西方去此十萬億刹其佛世界名  
曰安樂阿難又問其佛成道已來為逆樂時  
佛言成佛已來九歷十劫其佛國土自然七  
寶金銀瑠璃珊瑚虎魄車乘馬瑙合成為地  
恢廓曠蕩不可限極悉相雜廁轉相入間光  
赫耀耀微妙奇麗清淨莊嚴超踰十方一切  
世界眾寶中精其寶猶如第六天寶又其國  
土无須弥山及金罍鐵圍一切諸山之无大  
海小海溪渠井谷佛神力故欲見則現之无  
地獄餓鬼畜生諸難之趣之无四時春秋冬  
夏不寒不熱常和調適尔時阿難白佛言世  
尊若彼國土无須弥山其四天王及忉利天  
依何而住佛語阿難第三炎天乃至色究竟  
天皆依何住阿難白佛行業果報不可思議  
佛語阿難行業果報不可思議諸佛世界之  
不可思議其諸眾生功德善力住行業之地  
故能令耳阿難白佛我不疑此法但為將來  
眾生欲除其疑惑故問斯義

佛告阿難无量壽佛威神光明最尊第一諸  
佛光明所不能及或有佛光照百佛世界或  
千佛世界取要言之乃照東方恒沙佛刹南  
西北方四維上下亦復如是或有佛光照千  
七尺或照一由旬二三四五由旬如是轉倍



西北方四維上下亦復如是或有佛充照于  
七足或照一由旬二三四五由旬如是轉倍  
乃至照于一佛刹土是故无量壽佛另无量  
光佛無邊光佛無礙光佛無對光佛炎王光  
佛清淨光佛歡喜光佛智慧光佛不劫光佛  
難思光佛無稱光佛起日月光佛其有衆生  
遇斯光者三垢消滅身意柔軟歡喜踊躍善  
心生焉若在三塗勤苦之處見此光明無復  
苦惱壽終之後皆蒙解脫无量壽佛光明顯  
赫照耀十方諸佛國土莫不聞焉不但我今  
稱其光明一切諸佛聲聞緣覺諸菩薩衆咸  
共歎譽亦復如是若有衆生聞其光明威神  
功德日夜稱說至心不斷隨意所願得生其  
國為諸菩薩聲聞大衆所共歎譽稱其功德  
至其然後得佛道時普為十方諸佛菩薩歎  
其光明亦如今也佛言我說无量壽佛光明  
威神巍巍殊妙晝夜一切尚未能盡

佛語阿難又无量壽佛壽命長又不可稱計  
汝寧知乎假使十方世界无量衆生皆得入  
身悉令成就聲聞緣覺都共集會禱思一心  
竭其智力於百千万劫悉共推算計其壽命  
長遠之數不能窮盡知其限極聲聞菩薩天  
人之衆壽命長短亦復如是非算數譬喻所  
能知也又聲聞菩薩其數无量不可稱說神  
智洞達威力自在能於掌中持一切世界  
佛語阿難彼佛初會聲聞衆數不可稱計善



智洞達威力自在能於掌中持一切世界  
佛語阿難彼佛初會聲聞衆數不可稱計菩  
薩亦然如今大目犍連百千萬億无量無數  
於阿僧祇那由他劫乃至滅度悉共計校不  
能究了多少之數譬如大海深廣无量假使  
有人折其一毛以為百分以一分毛沾取一  
滴於意云何其所滴者於彼大海何所為多  
阿難白佛彼所滴水比於大海多少之量非  
巧曆算數言辭譬類所能知也佛語阿難如  
目連等於百千万億那由他劫計彼初會聲  
聞菩薩所知數者猶如一滴其所不知如大  
海水

又其國土七寶諸樹周滿世界金樹銀樹瑠  
璃樹頗梨樹珊瑚樹馬腦樹車渠樹或有二  
寶三寶乃至七寶轉共合成或有金樹銀樹  
華果或有銀樹金樹華菓或瑠璃樹頗梨為  
菓華菓亦然或水精樹溜璃為菓華菓亦然  
或珊瑚樹馬腦為菓華菓亦然或馬腦樹瑠  
璃為菓華菓亦然或車渠樹衆寶為菓華菓  
亦然或有寶樹紫金為本白銀為基瑠璃為  
校水精為條珊瑚為菓馬腦為華車渠為寶  
或寶樹溜璃為本水精為基珊瑚為校馬腦為  
寶樹溜璃為本水精為基珊瑚為校馬腦為  
條車渠為菓紫金為華白銀為寶或有寶樹  
水精為本珊瑚為基馬腦為校車渠為條紫



條車渠為業紫金為華白銀為實或有寶樹  
水精為本珊瑚為莖馬瑙為枝車渠為條紫  
金為業白銀為華瑠璃為實或有寶樹珊瑚  
為本馬瑙為莖車渠為枝紫金為條白銀為  
業瑠璃為華水精為實或有寶樹馬瑙為本  
精為華珊瑚為實或有寶樹車渠為本紫金  
為莖白銀為枝瑠璃為條水精為業珊瑚為  
華馬瑙為實此諸寶樹行行相值莖莖相望  
枝枝相准葉葉相向華華相順實實相當紫  
色光耀不可勝視清風時發出五音聲微妙  
官商自然相和

又无量壽佛其道場樹高四百万里其本周  
圍五十由旬枝葉四布二十万里一切眾寶  
自然合成以月光摩尼持海輪寶眾寶之王  
而莊嚴之周匝條間無寶瓔珞百千万色種  
種異變无量光炎照耀无熱弥妙寶網羅覆  
其上一切莊嚴隨應而現微風徐動吹諸枝  
葉演出无量妙法音聲其聲流布遍諸佛國  
其聞音者得涼法忍住不退轉至成佛道耳  
根清徹不遭苦患目覩其色耳聞其音鼻知  
其香舌嘗其味身觸其光心以法緣一切皆  
得甚深法忍住不退轉至成佛道六根清徹  
无諸惱患阿難若彼國人天見此樹者得三  
法忍一者音響忍二者柔順忍三者无生法  
忍此皆无量壽佛威神力故本願力故滿足



法忍一者音響忍二者柔順忍三者无生法  
忍此皆无量壽佛威神力故本願力故滿足  
願故明了願故堅固願故究竟願故佛告阿  
難世間帝王有百千音樂自轉輪聖王乃至  
第六天上妓樂音聲展轉相勝千倍万倍第  
六天上万種樂音不如无量壽國諸七寶樹  
一種音聲千億倍也亦有自然万種妓樂又  
其樂聲无非法音清揚哀亮微妙和雅十方  
世界音聲之中最為第一

又講堂精舍官殿樓觀皆七寶莊嚴自然化  
成復以真珠明月摩尼衆寶以為交露覆蓋  
其上内外左右有諸浴池或十由旬或二十  
三十乃至百千由旬縱廣深淺各皆一等八  
功德水湛然盈滿清淨香潔味如甘露黃金  
池者底白銀沙白銀池者底黃金沙水精池  
者底瑠璃沙瑠璃池者底水精沙珊瑚池者  
底庸魄沙庸魄池者底珊瑚沙車渠池者底  
馬腦沙馬腦池者底車渠沙白玉池者底紫  
金沙紫金池者底白玉沙或二寶三寶乃至  
七寶轉共合成其池岸上有旃檀樹華葉無  
華分陔利華雜色光茂林覆水上彼諸菩薩  
及聲聞衆若入寶池意欲令水沒足水即沒  
足欲令至膝即至膝欲令至腰水即至腰  
欲令至頸水即至頸欲令灌身自然灌身故  
令還復水輒還復調和冷煖自然隨意開神



欲令至頸水即至頸欲令灌身自然灌身欲  
令還復水輒還復調和冷煖自然隨意開神  
悅體蕩除心垢清明澄潔淨若无形寶妙昧  
徹无染不照微瀾迴流轉相灌注安詳徐逝  
不遲不疾波揚无量自然妙聲隨其所應莫  
不聞者或聞佛聲或聞法聲或聞僧聲或寂  
靜聲空无我聲大慈悲聲波羅審聲或十力  
无畏不共法聲諸通慧聲无所作聲不起滅  
聲无生忍聲乃至甘露灌頂衆妙法聲如是  
等聲稱其所聞歡喜无量隨順清淨離欲寂  
滅真實之義隨順三寶力无所畏不共之法  
隨順通慧菩薩聲聞所行之道无有三塗苦  
難之名但有自然快樂之音是故其國名曰  
安樂

阿難彼佛國土諸往生者具足如是清淨色  
身諸妙音聲神通功德所處宮殿衣服飲食  
衆妙華香莊嚴之具猶第六天自然之物若  
欲食時七寶罍器自然在前金銀瑠璃車渠  
馬瑙珊瑚帟魄明月真珠如是諸醉隨意而  
至百味飲食自然盈滿雖有此食實无食者  
但見色聞香意以為食自然飽足身心柔軟  
无所味著事已化去時至復現彼佛國土清  
淨安穩微妙快樂次於无為泥洹之道其諸  
聲聞菩薩天人智慧高明神通洞達咸同一  
類形無異狀但因順餘方故有天人之名顏  
貌端正超世希有容色微妙非天非人皆受



類形無異狀但因順餘方故有天人之名顏  
貌端正起世希有容色微妙非天非人皆受  
自然虛无之身无熱之體

佛告阿難譬如世間貧窮乞人在帝王邊形  
貌容狀寧可類乎阿難白佛假令此人在帝  
王邊羸陋醜惡无以為喻百千万億不可計  
倍所以然者貧窮乞人底極勵下衣不蔽形  
食趣支命飢寒困苦人理殆盡皆坐前世不  
植德本積財不施富有益怪但欲唐得貪求  
无厭不信修善犯惡山積如是壽終財寶消  
散苦身聚積為之憂惱於已无益徒為他有  
无善可祐无德可恃是故死隨惡趣受此長  
苦罪畢得出生為下賤愚鄙勵極示同人類  
所以世間帝王人中獨尊皆由宿世積德所  
致慈惠博施仁愛兼濟履信修善无所違諍  
是以壽終福應得昇善道上生天上享茲福  
樂積善餘慶今得為人遇生王家自然尊貴  
儀容端正衆所敬事妙衣珍饈随心服御宿  
福所追故能致此

佛告阿難汝言是也設如帝王雖入中尊貴  
形色端正比之轉輪聖王甚為鄙陋猶彼乞  
人在帝王邊也轉輪聖王威相殊妙天下第  
一比之切利天王又復醜惡不得相喻万亿  
倍也假令天帝比第六天王百千億倍不相  
類也設第六天王比无量壽佛國菩薩聲聞  
光顏容色不相及逮百千万億不可計倍



倍也假令天帝比第六天王百千億倍不相類也設第六天王比无量壽佛國菩薩聲聞光顏容色不相及逮百千万億不可計倍佛告阿難无量壽國其諸天人衣服飲食華香瓔珞繒蓋幢幡微妙音聲所居舍宅宮殿樓閣稱其形色高下大小或一寶二寶乃至无量眾寶随意所欲應念即至又以眾寶妙衣遍布其地一切天人踐之而行无量寶網弥覆佛土皆以金縷真珠百千雜寶奇妙殊異莊嚴校飾周匝四面垂以寶鈴光色晃耀盡極嚴麗自然德風徐起微動其風調和不寒不暑温涼柔輒不遲不疾吹諸羅網及眾寶樹演發无量微妙法音流布万種温雅德香其有聞者塵勞垢習自然不起風觸其身皆得快樂譬如比丘得滅盡三昧又風吹散華遍滿佛土隨色次第而不雜乱柔輒光澤馨香芬烈足履其上踏下四寸隨舉足已還復如故華用已訖地輒開裂以次化沒清淨无遺隨其時節風吹散華如是六返又眾寶蓮華周滿世界一一寶華百千億葉其華光明无量種色青色青光白色玄黃朱紫光色亦然曄曄煥爛明曜日月一一華中出三十六百千億光一一光中出三十六百千億佛身色紫金相好殊特一一諸佛又放百千光明普為十方說微妙法如是諸佛各各安立无量眾生於佛正道



亦覆佛土皆以金縷真珠百千雜寶奇妙殊  
異莊嚴校飾周匝四面垂以寶鈴光色晃耀  
盡極嚴麗自然德風徐起微動其風調和不  
寒不暑溫涼柔輒不遲不疾吹諸羅網及衆  
寶樹演發无量微妙法音流布万種溫雅德  
香其有聞者塵勞垢習自然不起風觸其身  
皆得快樂譬如比丘得滅盡三昧  
又風吹散華遍滿佛土隨色次第而不雜亂  
柔軟光澤馨香芬烈足履其上踏下四寸隨  
舉足已還復如故華用已訖地輒開裂以次  
化沒清淨无遺隨其時節風吹散華如是六  
返又衆寶蓮華周滿世界一一寶華百千億  
葉其華光明无量種色青色青光白色白光  
玄黃朱紫光色亦然曄曄煥爛明曜日月一  
一華中出三十六百千億光一一光中出三  
十六百千億佛身色紫金相好殊特一一諸  
佛又放百千光明普為十方說微妙法如是  
諸佛各各安立无量衆生於佛正道

佛說無量壽經卷上